

ՓԻԼԻՄՈՆ

1

ԳԼՈՒԽ 1

Պօղոս՝ Յիսուս Քրիստոսին կապեալը եւ Տիմոթէոս եղբայրը, Փիլիմոնին՝ մեր սիրելիին ու գործակցին

² Եւ Ապփիա սիրելիին, Արքիպպոս մեր զինուորակցին ու քու տանդ մէջի եկեղեցիին,

³ Շնորհք եւ խաղաղութիւն ձեզի Աստուծմէ՝ մեր Հօրմէն եւ Տէր Յիսուս Քրիստոսէն:
ՓԻԼԻՄՈՆԻՆ ՍԷՐՆ ՈՒ ՀԱՒԱՏՔԸ

⁴ Կը գոհանամ միշտ իմ Աստուծմէ՝ քեզ իմ աղօթքներուս մէջ յիշելով,

⁵ Երբ կը լսեմ քու սէրդ ու հաւատքդ՝ որ ունիս Տէր Յիսուսին եւ բոլոր սուրբերուն վրայ,

⁶ Որպէս զի քու հաւատքիդ հաղորդակցութիւնը պտղաբեր ըլլայ՝ Քրիստոս Յիսուսով ձեր մէջ եղած բոլոր գործերը ճանչնալով:

⁷ Քանզի շատ ուրախութիւն եւ մխիթարութիւն ունեցայ քու սիրոյդ համար, որով սուրբերուն սրտերը քեզմով հանգստացած են, եղբայր:

⁸ Ասոր համար թէ եւ համարձակութիւն ունիմ Քրիստոսով վայելուչ եղածը քեզի հրամայելու,

⁹ Բայց յաւէտ սիրով կ'աղաչեմ, այնպիսի մէկը ըլլալով՝ ինչպէս եմ ես՝ Պօղոսս ծերացած ու հիմա Յիսուս Քրիստոսին համար կապուած ալ:

¹⁰ Կ'աղաչեմ քեզի իմ որդիիս Ռնեսիմոսին համար, որ իմ կապանքներուս մէջ ծնայ,

¹¹ Որ ատեն մը անպիտան էր քեզի, բայց հիմա քեզի ալ, ինծի ալ պիտանի է.

¹² Չանկկա քեզի դրկեցի. դուն ալ ընդունէ զայն, որ է իմ աղիքս.

¹³ Կ'ուզէի իմ քովս պահել, որպէս զի քու տեղդ ինծի սպասաւորութիւն ընէ աւետարանին կապանքներուն մէջ,

¹⁴ Բայց առանց քու կամքիդ չուզեցի բան մը ընել, որպէս զի քու բարերարութիւնդ իբր թէ ստիպմամբ եղած չըլլայ, հապա՝ կամաւ:

¹⁵ Թերեւս այս պատճառաւ անկկա քիչ մը ատեն զատուեցաւ, որպէս զի զանկկա յաւիտեան ունենաս,

¹⁶ Ո՛չ թէ ծառայի մը պէս, հապա ծառայէ վեր, սիրելի եղբօր պէս եւ եթէ ինծի այսպէս սիրելի է, որչա՛փ աւելի պիտի ըլլայ քեզի՝ թէ՛ մարմնի կողմանէ ու թէ՛ Տէրոջը:

¹⁷ Ու եթէ զիս քեզի հաղորդակից կը սեպես, ընդունէ զանկկա՝ իմ տեղս:

¹⁸ Եւ եթէ քեզի անիրաւութիւն մը ըրած է կամ պարտք մը ունի՝ զայն իմ հաշիւս անցուր:

¹⁹ Ես՝ Պօղոսս՝ իմ ձեռքովս գրեցի: Ես կը վճարեմ, որ չըսեմ քեզի թէ դուն ալ քու անձդ ինծի պարտական ես:

²⁰ Այո՛, եղբայր, թող քեզմէ ունենամ այս օգուտը Տէրոջմով. հանգչեցուր իմ աղիքս Տէրոջմով:

²¹ Քու հնազանդութեանդ վստահելով գրեցի քեզի, քանզի գիտեմ որ ըսածէս աւելին

պիտի ընես:

²² Ասկէ զատ ինծի բնակարան մըն ալ պատրաստէ, վասն զի կը յուսամ թէ Աստուած ձեր աղօթքներուն պատասխանելով զիս ձեզի պիտի դրկէ:

²³ Բարեւ կ'ընէ քեզի Եպափրասը՝ իմ գերութեան ընկերս Քրիստոս Յիսուսով:

²⁴ Նաեւ Մարկոսը, Արիստարքոսը, Դեմասը, Դուկասը, իմ գործակիցներս:

²⁵ Մեր Տէր Յիսուս Քրիստոսին շնորհքը ձեր հոգիին հետ ըլլայ: Ամէն:

For other languages please go to **www.wordproject.org**